

摘藻堂四庫全書薈要

集部

欽定四庫全書薈要

集部

梅溪後集卷八至  
十

詳校官助教臣謝登雋



欽定四庫全書薈要卷一萬五千八百六十四

集部

梅溪後集卷八

宋 王十朋 撰

詩

七月三日至鄱陽

我來

鄱君山水州山水入眼常遲留絕境遙通雲錦洞

安仁縣有絕境亭雲錦水

清音下瞰琵琶洲

餘干縣有清音堂琵琶洲

干越亭前

晚風起湖入鄱陽三百里曉來一雨洗新秋身在江東

畫圖裏

次韻何憲子應喜雨

亢陽誰謂不為災，飢饉連年甑有埃。  
旱魃忽隨冤獄散，雨師遙逐使車來。  
平反盡欲歸中典，調燮端宜位上台。  
更喜詩如杜陵老，江流坐穩興悠哉。

某至郡而雨何憲詩云人間正作雲

冤望天半忽  
驚霖雨來

登綺霞亭用喜雨韻

六月西征遇旱災，修途千里踏塵埃。  
雷公俄喚阿香去，霖雨便隨流火來。  
天入滄浪游楚越，雲翻擺捩憶溫台。

綺霞亭上一回首滿目湖山壯矣哉

追和范文正公鄱陽詩

郡齋即事

理郡端如理亂絲范公往矣欲誰師  
典刑猶有堂中像光豔長存壁上詩  
未報國恩嗟老去不逢人傑恨生  
遲一尊坐對鄱江月耿耿忠懷祇自知

游芝山寺

出郭上崔嵬山川亦壯哉  
三芝誰采去五老欲飛來  
懷

古情無盡思鄉首屢回論文一尊酒天色為吾開

登綺霞亭用碧雲軒韻

郡亭臨大澤霞障截塵紛有色祇因日無心元是雲滄浪

隨郭轉欵乃隔江聞文正已仙去佳名千載芬

亭乃文正公名

降聖節詣天慶觀因謁顏魯公范文正公祠堂

用贈御賜名道士韻

顏范遙同異代心琳宮香火道緣深詩家風味今誰在

定訪彌明與共吟

觀文正像用贈傳神道士韻

天然形貌寫何難  
難得靈臺上筆端  
朋黨論興三出日  
不知誰作正人看

移竹植郡齋之東用懷慶朔堂韻

手移修竹傍墻栽  
老眼青青為竹開  
獨坐書齋誰是伴  
清風時作故人來

十月望日同官會飯薦福送酒

鄱水同僚總不羣  
公餘相與共論文  
遠公蓮社恐無酒

輒劾江州王使君

生日示聞詩聞禮

哀哀父母生我勞生日不見徒悲號今年偶然夢三刀  
二千石向鄱陽叨身雖五馬已二毛烹羊擊鮮斫螯  
殷勤為壽勞爾曹願爾它年著綵袍二親無恙年俱高  
更與諸孫持壽醪滿堂賓客來英豪會看醉臉如仙桃

木蘊之即席和文字韻詩酬以二絕

少年才氣已超羣場屋能攜錦繡文糠粃在前真不愧



春風得意豈如君

回頭遙念蕩中羣把酒欣論坐上文臭味聊將比兄弟  
大馮君與小馮君

觀郡守題名再書一絕

濫與江湖岳牧羣於中最慕范希文人才相遠心相似  
均是憂時與愛君

項服善知縣和詩酬以三絕并簡林致一教授  
膽落庭中雁鶩羣寧容摘紙舞微文鄙陽賢令知多少

惟有鄙君與項君

牧養功成鮮敗羣絃歌聲裏出詩文只愁桃李春風近  
卧轍無由駐令君

無錢令尹陶彭澤有道先生鄭廣文預約它年還故里

共騎白鹿効文君

樂清乃張文君騎  
白鹿飛仙之地

題薦福寺莫莫堂

休休有室宜歸早莫莫名堂去恨遲禪老相逢應笑我

休休莫莫定何時

家有休  
休堂

哭馮員仲

一代奇男子哀哉命止斯共天終不忍蹈海亦何辭下  
惠已三出照鄰俄五悲煩言何足辨公論不容欺

身為多才誤朝無一日安寧為獨醒鬼不作附炎官夢

斷吳江冷魂歸蜀道難郡齋揮老淚重取近書看

近得員仲

過江  
州書

陸居士挽詩

撫州人有子六人  
子九齡在太學

槐市訪同舍麟經推阿戎傳家知有子種德本由公遺

訓皆新語多男類陸終佳城在何處楚尾白雲中

洪帥陳阜卿寄筍

均是蓬山逸遠官夢中猶問竹平安擇龍寄我知君意  
要使剛腸飽歲寒

次韻何子應題不欺室

公如憂國房玄齡我如鄭公思批鱗隆興天下同正觀  
願為賢相為良臣我去公來不同日各展忠懷對宣室  
江湖邂逅論赤心更約聯翩書史筆坤文敬義誠君子

可惜作銘人已死八十四字騰光芒便是千年不欺史

張魏公  
作銘

### 郡齋對雪

平生為雪牽詩興今日無詩奈雪何  
淨几翻書擁爐讀  
冷齋呵硯帶冰磨  
寒江獨釣句思柳  
銀海光搖人憶坡  
欲兩三杯賀豐歲  
却憂疆場正干戈

### 子應和詩再用前韻

江東臘雪為誰多  
清逼官梅興動何  
堂坐玉芝勞想像

州宅有  
玉芝堂

句工冰柱老研磨賡酬往事思蓬島

辛巳春日  
館中唱和

最  
盛  
灾  
異  
狂  
言  
忤  
諫  
坡

是歲上元雷雪併作某  
嘗論灾異諫坡不悅

聽取金華

新號令要湏白戰不持戈

祠顏范二公

鄱江善政九賢人文正文忠更絕倫桃李舊邦千里愛  
丹青遺像兩朝臣不同赤土祠劉阮端勝睢陽廟遠巡  
安得神仙返魂藥九原喚起靜邊塵

題何子應金華書院圖

君不見杜陵野客老更狂浣花溪上結草堂又不見謫  
仙世人皆欲殺匡山讀書頭如雪二公同時鳴有唐文  
章萬丈光艷長鈞天無人帝呼去草堂書館今荒涼太  
平宰相張居士外甥似舅金華子胸中萬卷杜陵翁筆  
下千篇謫仙李向來衣冠拜偽楚我乃宋臣惟有死  
何曾著眼癡宰相况肯低顏驄御史天邊卿月落九疑  
口誦離騷吊湘水誅茅築室小東山天下蒼生望公起  
種梅志欲調商鼎持斧夢刀聊爾耳公生長安我東嘉

天遣邂逅鄙江涯筆頭一語真戲劇却將鐵面擬金華

子應和顏范祠堂詩云鐵面金

華誰氏子要湏相與嗣前塵

金華自是金閨彥金

口褒揚兩朝眷未湏歸去金華山行將入侍金華殿

閏月三白三首

閏月生明後

初四日雪作

江天未曠時風翻禹門浪花糝月

宮枝

桂花一秋三放

照夜皎珠樹秀庭祥玉枝定知年大有何

止麥相宜

迎曠雪三白未春花萬株神仙森玉府天象粲台符詞



吐水流峽鼎成風擊湖鬢邊絲可織四皓盍添吾

占盡一陽月分為六出時

自初四雪初八又雪二十五又雪

韋編照清

夜塞管落南枝獻中荆山玉開成廟柱芝

杜詩瑞芝產廟柱註云肅

宗時廟柱產三玉芝

人間瑞已定過此却非宜

### 又和項服善二首

風雲頻慘淡草木屢蒼顏詩裏報瓊玖宮中歸玉環

揚妃

凡三入宮

帝庭侯帛至佛殿寶珠還更有人清白鄱陽似魯

山

梅蘂開仍落同雲合未離添為五大老真是四無私天  
女來成粲冰蠶老欲絲梨花一枝雨冷艷可能欺

又用時字韻

黃竹成章日陽春衆和時玉階談戰陳瓊燕賜花枝陶  
徑還飛絮商山欠採芝西疇農事及歸去正吾宜

和洪景廬用三白韻作四白詩

大似佛世界端如玉燭時穆家兄弟味楊氏子孫枝  
楊震

四世為公以 鄞海明瑤柱 四明出 鄞亭望秀芝 鄞江有  
清白名家 江瑤柱 四望亭

北望芝山州  
宅有芝秀閣  
祁寒繇政拙去倍二誠宜

楚士照千乘韓梨夸數株舜門紛執玉堯岳銜分符寶  
結文房友鑑明狂客湖郊圻正多壘兵會憶夷吾

兵車之會

四

臆盡日又雪洪復作五白詩再和

天地俱同數嘉平欲盡時柳飄彭澤絮松壓大夫枝越

絕山飛洩

越有瀑布名五洩

文登石產芝

登州海上五島皆生石芝

濫騎為

郡馬深願穀相宜

日掩雲間色

李嶠詩雲  
間五色滿

榆栽天上株芳聯仙桂籍窮送

舊桃符遠岫明廬阜澄江接帶湖宣麻開晉國入蔡億

金吾

裴晉公五拜相  
金吾謂李祐也

次韻何子應得宣城筆

金華手握管城子端類睢陽太守鬚鬚筆有神人不識  
怒時真可氣吞胡

聞捷報用何韻

淮甸流離唐赤子將軍竒特魏黃鬚願將銀管書忠誼

糞土東京趙與胡

不欺室三字參政張公書也筆力勁健如端人  
正士儼然人望而敬之因成古詩八韻

雲山老人國大老歷代遺編旣探討餘事游神翰墨間  
乘興濡毫快揮掃嚴霜烈日如魯公抉石奔泉陋徐浩  
國朝君謨書第一大字劣於行與草雲山心畫無不長  
筆力縱時書更好我來求字蓋求人不為有官緣有道  
紫巖之銘雲山筆不欺室中雙至寶玉簫峯下梅花溪

願學雲山歸去早

出郊遇雪

小隊出郊聊習戰朔風吹雪似催詩  
皇天有意清烽火正類元戎破蔡時

何子應以蜀中文房四寶分贈洪景廬王嘉叟  
某與焉因成一絕

江左風流屬憲臺筆端妙語出瓊瑰  
濫居益友三人列誤辱文房四寶來

送翁東叟教授

鄱陽江上五見雪鄱江樓上風栗烈廣文先生不畏冷  
弭棹登樓興清絕筆端妙語出離騷酒後剛腸吐名節  
芝堂假守老鄉人明日仙舟那忍別

三十年間舊友生眼青頭白見交情官於湖北况尤冷  
詩不江西語自清行李少留吳芮國夢魂先到謝公城  
扁舟便合相隨去薄有田園正可耕

和寶印叔見寄

官舍蕭條怯莫冬，衰顏得酒暈生紅。  
遙思蘭若堂中老，非柏非松自耐風。

濫乘五馬二毛侵，雪滿鄱江坐擁衾。  
二叔年高兄弟遠，歸期當不待秋砧。

用韻寄二弟

六月離家忽莫冬，郡齋清夜擁爐紅。  
細看慶朔堂前雪，正似梅花溪上風。

甚矣今年老見侵，玉芝堂冷敝衣衾。  
夢魂夜夜尋兄弟



率飲亭前坐石砧

送蔡倅

白首論文得蔡侯  
江東尊酒半年游  
龍頭家世高千佛  
驥足聲名重一州  
方喜同僚吳芮國  
不堪回首仲宣樓  
送君撩我思鄉意  
薄有田園歸去休

齒落

五十行將四浮生  
已向殘齒疎方吐  
柳牙落遽驚韓猶  
訝年初齒翻疑頰  
未丹定知從此去  
梨栗怯堆盤

次韻李懷安贈何憲五絕

元老登朝首剡章危言凜凜動明光  
掉頭却向江湖去不肯伊優上北堂

伊洛橫渠造道深誰傳衣鉢見真心  
儒宗賴有金華子後學寧憂不嗣音

夢魂聞說到無何曾共神官壯者哦  
妙墨雄文滿天下士衡應亦患才多

炙手權門盡好官雲山高卧老江干  
相期晚景全名節

富貴何須著眼看

元白詩筒數往還  
小生閣筆媿言艱  
異時應起鄱江念  
公在金華我雁山

李懷安擁麾入蜀道  
出鄱江見贈二詩依韻奉

酬

不肯隨羣慕鶴軒  
慨然丹陛吐危言  
坐看蜀道平如地  
可見忠臣勇似尊  
駟馬橋邊驅弩矢  
杜鵑聲裏擁旂旛  
要須入境詢風俗  
首訪嚴遵李仲元

一麾出守楚東城邂逅論交媿孔程元禮仙舟行色好  
子猷雪棹去心輕虎符稔服君家世雁蕩行逃我姓名  
酒盞詩篇話時事江湖何日更尋盟

國娘生日

正月  
二日

往歲王司業初生嫡女孫命名聊志喜曰國不忘恩日  
在元正次身居輩行尊

國娘在輩  
行中為長

願如班與孟賢淑振

吾門

陳阜卿書云聞詩筒甚盛可使流傳江西否戲

用竹萌韻以寄

江西大帥本仙官餘事篇章過定安欲遣詩筒寄詩伯  
恐嫌白俗孟郊寒

次何憲韻

毛穎神明更好鬚飛騰入月跨蟾蜍誰將銀管為封邑  
端為金華妙簡書鳳翥龍螭文未稱

逸少止以  
字畫名世

日光玉

潔字還疎

退之自謂  
不善書

何如今代何平叔筆陣詞源總莫

如

金華先生有奇石名碧遠携來自蜀陳洪州以  
詩覓之金華輟所嗜以贈亦一段奇事也予家  
雁蕩羣峯峙皆几案間物因和二公詩頗起  
鄉思寓意斷章

二公心古貌清癯趣在林泉世味疎寸碧來從錦江遠

九疑分向錫山居

碧遠峯本自九疑山得之山形  
聯翹具九疑之狀陳錫山人也

山中

丘壑奴金谷筆下波瀾陋石渠我有千峯巖雁蕩擎天

一柱插空虛

天柱峯在雁  
蕩巖為奇絕

嘉叟宗丞得郡喜成一絕

邸報初聞見姓名甘棠家世舊專城  
伯魚詩禮趨庭處  
五馬旌旗夾道迎

人日雨次何憲韻

元正作佳天涉七弄春氣好雨亦知時  
綠波行可濟新  
詩如蜀州句有梅柳味七升年定豐  
一石公當醉

子應贈蜀中石刻十卷詩以謝之

金華石刻滿西州不惜明珠輒暗投  
詩泣鬼神追雅頌

義深君父妙春秋

公有答春秋書深取左氏義深君父

隨身連軫崔評事

挿架懸籤李鄴侯掃室焚香讀終卷光芒萬丈照螺洲

次韻嘉叟讀和韓詩

孔孟久不作况雄莫能和韓公生有唐力欲拯頽挫文  
興八代衰學救諸子過佛老蔓中華微公衽其左餘事  
以詩鳴語險鬼膽破汗瀾高駕天捷敏劇飛笥騎龍歸  
帝旁玉日人間墮汗流籍湜輩圭璧分半箇柳和詞擬  
騷郊聯語成此咸知太山仰誰繼北窓卧我本齷齪生



久供筆硯課幽香摘天葩光艷拾珠唾後公三百年杖  
屨無從荷世無六一翁孰知珍古貨巴詞擬陽春僭竊  
罪宜坐神交有吾宗涉世同坎軻學繼青箱玉詩高碧  
紗播勉令添和篇才薄知何奈謬同赤効白深媿愈知  
賀世事置勿論蚊睫蟲容麼

元夕次何憲韻

火樹銀花遍九衢天移星斗下空虛心憂機婦寒窓士  
詩句分明似諫書

鄱陽燈火類殘星風雨那堪更滿城為郡何如在家好  
長檠不似短檠明

送何憲行部趣其早還

九郡飢民望使輶陽春有脚不辭遙更須速返鄱君國  
莫遣詩筒久寂寥

種金沙花戲呈景盧

春光駘蕩楚天涯李白桃紅次第花未向名園看鐵樹  
聊於郡圃種金沙

郡圃栽花

公餘吏隱不相賒杖屨園林賞物華五柳宅邊誰種柳

百花樓畔謾栽花

郡圃有百花樓

池塘有夢吟春草

永嘉有夢草堂

屏

障無心戀綺霞

綺霞亭

來歲游人應話我雁山深處老桑

麻

二月朔日同嘉叟蘊之訪景盧別墅用郡圃栽

花韻即席唱和

鄱水芝山四望賒雨餘風物倍光華名園種果仍修果

妙手栽花似判花行見晉公開綠野聊從子美酌流霞  
坐間賓主皆人傑我質如蓬賴倚麻

野處名園境界賒夷堅博物似張華

景盧作夷堅志

參天先種

柳州柳

園中新植柳

照眼兼看花縣花

園與縣圃為鄰

即席賦詩袍

奪錦論文對酒臉生霞自慚衰病陪行樂策杖登城脚  
欲麻

還舍復用前韻以寄

負郭園林路不賒杖藜徐步賞韶華芹宮地近分流水

園近  
州學

芝嶺風高送落花

園在芝山門范文正芝山詩花落入城東

簷外梨

枝春帶雨

梨花堂

城頭桃樹晚蒸霞

城上皆種桃

行看共掌絲

綸美寧復丘中詠有麻

舍人兄弟皆掌絲綸和詩有醉傍西岡學種麻

景廬嘉叟各和詩五首復用前韻

草堂相去不多賒  
雨後登臨喚草華  
心喜淵明尊有酒  
眼驚太白筆生花  
來看四澤滿時水  
歸見九光披處霞

是早陰雨至晚見日

得兩使君詩十首  
郡齋傳寫費川麻

用韻懷何卿

送別鄱江日未賒詩人相問憶金華烏衣巷口見歸燕

何如金陵

萬里橋西思浣花持節要先蘇赤子攝身未用踏

蒼霞

何頗喜仙

行將歸侍玉皇案不比少陵鞋用麻

嘉叟和詩至七篇有何時五畝成歸計來作鄰

翁伴藝麻之句某鄉心方切復用韻

學繼初寮事業賒閉門寧悔讀南華符分興化日烘荔

室寓維摩天雨花

宗丞寓居僧舍

故里君應懷北岳歸心我已

到飛霞

永嘉有飛霞洞天

休休莫莫宜閒處耕有添丁婦織麻



梅溪後集卷八



欽定四庫全書薈要卷一萬五千八百六十五

其部

梅溪後集卷九

宋 王十朋 撰

詩

州宅十二詠

平政堂

愷悌周君子循良漢守臣  
如今坐堂上端是政平人

玉芝堂

范文正  
公名

不是因三秀名堂意自深  
要居森戟地毋忘采芝心

慶朔堂

范文正公建

昔日栽花者官移花未開  
舊花今豈在猶說范公栽

退思軒

會得名軒意公餘坐片時  
退思何及矣未退早須思

九賢堂

猶起才難歎同時九亂臣  
鄱陽千載守賢豈許多人

四賢堂

誰品鄱陽守四人賢不知  
如何堯舜世能使野無遺

四望亭

有澤宜觀水無簷不見山  
鄙君千里國俯仰一亭間  
綺霞亭

孤鶩同飛處澄江共賦詩  
晚來亭上看真是謝公詩  
清香亭

高架添風韻芳醪共姓名  
蘇州凝燕寢疑是此香清  
百花樓

昔日風流守公餘種百花  
春風不檢點紅紫落誰家

鄱江樓

郭外山橫閣

閣山

江邊水照樓。麗官無暇日，何以得消憂。

蜀錦亭

蜀錦海棠也。郡人謂范文正公所植亭，今廢。

亭廢名猶在，春來花自芳。猶餘蜀中錦，愛惜比甘棠。

景盧贈人面竹杖

奔走方嗟力不任，得公一杖直千金。竹能有面如人面，人亦虛心似竹心。渡水只愁龍欲化，入山應與鳳聯吟。翰林虞部相酬贈，同舍交情復見今。

退之赤藤杖歌云：歸來捧贈同舍子。

予與洪亦館  
中同舍也

鄉人項服善宰鄱陽有政聲人惜其去用郡圃  
栽花韻作詩數篇叙別遂和以送之

七歲名師世胄賒雲孫行實副文華仁心馴及魯恭雉  
和氣種成潘岳花清白見知鄱水月高明相照楚天霞  
送君撩我思鄉意遙想吾廬日長麻

鄱江同事半年賒直諒何人似去華吏報園扉多鞠草

民歌枯木再生花

邑人有枯木  
再生春之謠

暫留蕭寺行逢雨刺作

新詩語帶霞褒德自應侯卓茂清朝知己况如麻

江東回首莫雲賒寒食令人感歲華皎皎丹心惟望日

是日祈晴星星短髮不簪花書傳何處山名雁寄家書酒憶吾

鄉水似霞樂清有赤水之名鄉人喜造紅酒故舊相逢如問我為言多

病服天麻

公真有德如元令我媿無才似李華話別芝堂傾竹葉  
送行鄱水漲桃花眼看三匝鳥逢月心羨齊飛鷺趁霞  
它日相期訪劉阮分挑采藥飲胡麻

予向年少不自量因讀韓詩輒和數篇未嘗敢  
出以示人蓋二十年矣近因嘉叟見之不能自  
掩且贈以長篇蒙景盧繼和用韻以謝

少小思尚竒薰風琴欲和規模與時背場屋屢摧挫大  
道窺五原高論讀二過神游京城南

南山詩

思渺蒸水左

竹看金影碎菊擷霜風破論文摩巨刃薦士躬疆竒蕭  
蘭發秋懷木雁吟齒墮飛飛雙鳥鳴不數鸚兩箇幽幽  
十琴操可僕蘭臺此光餘萬丈長照我一牀卧未終三

百篇正坐短檠課

韓古律詩共三百餘篇初妄意欲盡和之以方作舉業遂止

不敢

示友朋懼遭泥滓唾文章  
吉太守臭味夙相荷  
索我舊詩案贈以千金貨  
郡齋哦好句艷艷月照坐  
端如陳琳檄快讀痊軼軻  
濫把江湖麾謬聲慚日播  
祈寒兼苦雨怨嗟吾豈奈  
竊效衡山禱

是日祈晴

因思鑑湖貨

時已乞祠鵬鷖

各逍遙溟蓬無巨麼

次韻陳阜卿讀洪景廬追和玉板詩

風采稜稜御史官  
旌麾所至庶民安  
渭川千畝填胸臆



散作毫端風雨寒

前世書魚化宰官肺腸元與竹相安侯生韓子相訓贈  
詩句驚人魂膽寒

次韻何憲修途倦游懷鄱陽唱和之樂

馬上詩成驛使馳社中猶恨使來遲不堪冀北羣空後  
况是江東日暮時春半鷺猶懶呼喚雨多鳩亦厭分離  
論文尊酒何時共公說歸期我去期

次韻何憲太平道中書事

明刑清詔使行部近清明况有太平象想亡愁歎聲問  
民知疾苦按郡戒將迎更向金陵看六朝餘故城

次韻何憲題魯池州通隱堂

朝市隱誠好山林通更嘉出非專為米去亦不期瓜下  
惠何妨介東方未用夸

東方朔朝隱者也退之作池州  
方朔遺事詩挾思更矜夸

知此道無媿仲連家

芝山勸農

出門非為采靈芝端為農時不可違我欲勸農農勸我

田園薄有早須歸

二月十五日祈晴十七日雷雨再作

清香一瓣乞晴回  
準擬陽光萬里開  
風伯未吹雲陣破  
雷公又喚雨聲來  
補天石爛疇能鍊  
陷瀆車深不易推  
誰坐黃堂稱太守  
深慙無術救天灾

喜晴再用前韻

天閔斯民意已回  
羣陰不掃自應開  
扶桑曉日瞳瞳出  
玉宇清風習習來  
水綠漁翁聲款乃  
月明詩客手敲推

秧針刺水麥搖浪定有豐年無後灾

數日天氣朝陰暮晴復用前韻

忍飢面目類顏回僅得青天半日開且願催詩無雨至  
只宜送月有風來出游偶似文昌霽待滿當為桀溺推  
退之和張十一憶昨行云君當  
先行我待滿沮溺相繼窮年推曰雨曰暘皆帝力麥苗  
無害免書灾

哭何子應

籍甚何夫子文章擅美名金華傳語寶鄱水主詩盟心

印橫渠學相門無盡甥人間一夢覺卿月墮臺城

骯髒宜三出飄零到九疑忠膺黃屋眷音遇紫巖知

以公

張魏公薦被召共理符頻縮明刑節屢持青天萬里蜀無復話

歸期

公作皇華使予乘郡守轄江湖吳芮國襟抱杜陵尊翰  
墨頻揮染詩文細討論新編繫未就楚些已招魂

何以正月

二月二十二日行部方議  
刊楚東訓唱集途中七

同官會飲鄱江樓送谷簾泉二尊戲成小詩

聞說樓中會八仙  
郡齋分送谷簾泉  
好將投向鄱江水  
共作長鯨吸百川

名郡之東門曰永平書一絕

鄱水新門號永平  
永平何止一鄱城  
願言廣此平天下  
黎庶長無愁歎聲

主簿程同年和永平門詩再賦四絕因以贈別  
迂儒政事只平平  
濫守鄱陽十里城  
賴有同年更同事  
公餘時作苦吟聲

高唱猶嫌二謝平  
偏師能破五言城  
番人口誦新門記  
已作雷門振大聲

才知端如杜下平  
異時何止任專城  
三年俛首栖榛棘  
行作冲霄鸞鳳聲

春盡湖如鏡面平  
扁舟送別古番城  
相將我亦為行客  
征雁來時好寄聲

送春

楊花榆莢滿天飛  
九十風光別我時  
鳧鷖成行報公事

簿書中作送春詩

州院獄空贈知錄孫聽

把麾承乏楚邦東  
獄及期年始報空  
顧我自慚無德政  
同僚深喜有于公

鄱江樓分韻得月字

尊酒相逢人二八  
年少壯夫子白髮  
明年何處更登樓  
遙望鄱陽江上月

前端午一日會飲鄱江樓十有六人既分韻賦



詩又戲成短篇

佳節江樓上同僚共把杯人如舜才子名半漢雲臺詩

占城南首音叅古磬枚宜添兩學士相約訪蓬萊

韓退之游

城南詩十六首漢健為郡得古磬十六枚

五月二十日閔雨

仲夏百穀長中沐羣龍分

俗謂是日分龍

此邦得何龍行天莫

辭勤願於呼吸間山川走風雲亟下霈然澤救我心如

焚

次韻葉樞密言別

流落江湖歲月侵，九重側席念公深。  
漢庭寬大頒綸綍，

楚閣清和襍枕衾。

公寓居楚東閣

大壑巨魚欣復縱，虛舟積羽

可能沉。乾坤整頓須元老，芝嶺柯山未許尋。

公前欲居芝山，今暫

居柯山

洪景廬以郡釀飲客于野處園賦詩見寄次韻

老境厭吏事，歸心遶丘園。日月忽有夏，炎蒸變春溫。芝堂孰新釀，誰共論文尊。緬懷蓬山舊，情好素所敦。殷勤

十從事往掃東坡軒深杯滑琉璃不比田家盆醉吟到  
高處舞月成清歡我獨坐空齋靜對忘憂萱萱多憂未  
忘香清思猶昏懷君不成寐兩處一聲猿

剡紙贈嘉叟以詩為謝次韻

仁義知君學子輿豈惟詞賦似相如剡溪百幅敲冰紙  
換得臨池小草書

伏日四望亭分韻得月字

伏日何處游危亭陰清樾十客同我登詩興浩然發四

簷山在眼奚用更柱笏小飲未成醺天邊見新月

次韻趙通判喜雨

政拙時時費禱求心憂赤子餓填溝一聲霹靂中宵雨  
洗出江湖萬里秋

徐孺子亭

一室不暇掃心期掃天下一榻不妄設所待必賢者南  
州傑出土林泉事瀟灑閉門謝弓招道合不吾舍誰云  
性少通得一不為寡豫章豈私交端欲重宗社漢廷無

此賢忍使遺在野  
文章薦天闕  
聘禮備車馬  
高人竟不  
屈  
清風凜華夏  
寄聲郭有道  
一木難支厦  
肯同樊處士  
聲名抵虛假  
鷄酒弔知音  
韜光老松檟  
倘令居孔門  
行藏似回也  
江西今仲舉  
吏事飾儒雅  
神交千載友  
丹青妙摹寫  
作亭古東湖  
鱗鱗萬椽瓦  
序啗滕閣王  
詞偏長沙  
賈佳客從公  
游湖光瑩尊  
掌孺子真可  
師世途何土  
直行矣浙東  
西鉏犂各歸  
把

張安國舍人以南陵鄱陽雨暘不同示詩次韻

春水平原天可拍夏日如焚天可折哀哉農民亦良苦  
厭見常暘與常雨去秋鄱陽偶不熟巨室猶言廩無穀  
萬畝家輸數千斛路旁安得點教粥吾君罪已同禹  
湯思起傅巖調雨暘暫勤千騎作南伯要使炎嶠無餘  
殃

又次韻閔雨

長夏蚊蠅倦驅拍忽得緘封手親拆新詩首及民疾苦  
更閔鄱陽境無雨鄱陽假守仁不熟作郡端如種焦穀

胸中賸有愁千斛，闔門百指顏公粥。紫微好善嗤洪湯，

公孫洪張湯皆薦賢好善然其人不足取也

眉間和氣如時暘，行歸廊廟贊

化育善人宜賞淫人殃

### 次韻安國讀楚東酬唱集

麾把江湖遇列仙，賡酬篇什滿鄱川。竇家兄弟聯珠日

廬阜峯巒夕照天

鄱陽芝山有五老亭西望廬阜晚晴則見范文正公詩試憑高閣望五老

夕陽

三郡美名俱赫赫

陳洪州洪吉州王興化

一臺遺墨尚鮮鮮

何憲紫微妙語題詩後，光艷真能照簡編

安國讀訓倡集有平生我亦詩成癖却悔來遲  
不與編之句今欲編後集得佳作數篇為楚東  
詩社之光復用前韻

六逸中無李謫仙

前集恨不得  
公詩為光

詩筒忽得舊臨川

舍人  
前治

臨川乃  
鄰郡也

枝芳又類燕山桂

何卿往矣今  
集又得五人

馬立欣瞻刺史

天

五人二  
帥三守

公似虞臣宜作牧我慙鼠技濫烹鮮新詩不

減顏公詠貴若山王定不編

次韻安國讀薦福壁間何卿二詩悵然有感



金華遽作鬼中仙歎息真同子在川何遜詩猶在東閣

杜陵家不上青天

何卿每有歸蜀之念既死其子以其喪歸葬于吳

忠隨奏疏

留丹闕字落禪房照碧鮮客過楚東吟楚些唱訕新

集定須編

五月二十五日餞安國舍人于薦福洪右史王

宗丞來會坐間用前韻

尊酒相逢半八仙鬢絲我類杜樊川江東渭北四方客

張淮西洪江東王河北某浙東

楚尾吳頭五月天蓮社濫陪陶令飲兵

厨聊擊陸生鮮待將紅藥翻堦句別作鄱陽一集編

張欲

盡和楚東唱  
訓詩故云

### 再用韻送安國

辟穀留侯早得仙慶鍾苗裔福如川少年為佛魁千佛  
今日生天作二天西掖代言詞俊逸東湖題壁墨澄鮮  
題此行定有詩千首莫惜因風寄數編

易芝山五老亭名曰五峯安國書之因成短篇

三秀呈祥處危亭壓眾坡眼驚廬阜近峯類夏雲多喬

嶽神咸會蒼穹頂共摩紫微新鐵畫輝映楚江波

次韻安國題餘干趙公子養正堂堂張魏公所

名也并為作銘

去歲西來路偶同

去六月予赴鄱陽魏公罷相來餘干邂逅于此饒水南僧寺

一言

不肯話飄蓬

公所言皆國之大事

銘成養正首示我

公以七月朔日至餘干某

訪公於趙公子舍公以病不及見出堂銘藁見示

室坐不欺深念公大盜欲纏

遙拱北羣言交亂卒居東可憐未戰身先死貫日精忠

化白虹

次韻安國題清音堂

堂上清音樂奏仙洲如孤嶼媚中川餘干遙服三苗國

陸羽高飛百越天

有陸羽煮泉亭時湖廣寇賊未平故借用舞干意

風過琵琶

聲不斷水來雲錦色長鮮留題重遇張公子又入詩中

第一編

唐張祐詩在于越題詠中為首篇

郡齋舊有假山暇日命工葺之取石之嵌者絳

置山頂汲水筩竹引而激之自頂而下有懸崖

飛瀑之狀予既以瀟灑名齋因鐫二字于石戲

成古風

山從何來石無根水從何來山無源忽然幻出如自然  
羣峯萃律聲潺湲石工貌愚性機巧兩手頃刻成陶甄  
坐移野景到城郭解使平地生林泉香爐瀑布名天下  
雁蕩龍湫更瀟灑名山不見典刑存得趣何須論真假  
君不見晉公元勳兼盛德綠野堂前羅澗石又不見行  
行正直韓退之汲井埋盆成小池二公胸中有佳致澗  
石盆池聊自戲世間萬事皆戲耳何止茲山與茲水

梅溪後集卷九

欽定四庫全書薈要卷一萬五千八百六十六

集部

梅溪後集卷十

宋 王十朋 撰

詩

予自饒易夔以七月九日行饒人遮道挽留易  
輻由問道而去提點何德獻相追不及以詩見  
寄云斷橋截鎧亦堪憐始信林間別有天微見  
兵機第一義朱幡暫席廣文氈因次其韻

誤辱番易士庶憐閉門不許出朝天

門間行雖乏相如

壁得句全勝子敬羶

同官酌別

無德於民愧冠恂斷橋留我荷番人同僚送別四十里  
滿酌不辭三數巡

途中寄何德獻

邂逅江湖兩白頭公方東駕我西游韓張呼酒情雖重  
孔李通家好未修慶朔詩高魏提點秋香賦愧范饒州  
驛筒從此相來往別後何妨却倡訓

范文正公守饒時  
魏郎中兼作提點



二公甚相得文正改知潤州魏作慶朔堂  
栽花詩寄之文公嘗為魏作秋香亭賦

宿河山孫氏竹軒觀張安國題壁因用其韻

往來真箇及瓜期

去來皆七月

見竹還思種竹時

郡齋種竹

今日

賦詩添舊集明朝不是楚東詩

望廬山懷番易同官

五峰亭上同登日遙望廬山在杳冥今日廬山真滿眼  
回頭却望五峰亭

夢觀八陣圖

是夜宿章田

易任夔子國身猶在重湖夢  
竟輒先往臨江觀陣圖  
竒才蓋三國壯志吞兩都  
惜哉功不遂英雄為歎歔  
胡為恍惚間微茫見規模  
清時耻談兵武侯其戲予

讀喻叔竒送行六詩

番禺同事九十日尊酒相呼恨不多  
送別六詩詩似杜絕勝劉子竹枝歌

都昌道中望廬山思故鄉

肩輿終日在山間忽見廬山憶雁山  
我亦無心入蓮社

願隨征雁及秋還

過五柳灣

出守江湖日念還  
又扶衰病入巴山  
不能早作歸田計  
愧過淵明五柳灣

宿栖真寺

林間古剎號栖真  
高躡難尋晉宋人  
我正迷途倦奔走  
何繇來向此栖身

懷番易士民

來去番易各有因却疑行止亦由人此心可鑒惟天日  
公論難欺有士民

觀淵明畫像

蕭洒風姿太絕塵寓形宇內任天真絃歌只用八十日  
便作田園歸去人

題翠軒

淵明舊隱名棲真中有栖真閒道人廬山咫尺脚不到  
開軒種竹清且新我到山中越三宿似與道人緣分熟

皇恩若許歸故鄉  
拭眼重來看修竹

寓栖真四宿時  
二兒寓上庠  
未知去留又祠命  
未下頗以為懷

白帝知何處  
黃山且少留

地名上黃山

心慙陶靜節  
政愧范

饒州乘下越  
三宿江邊將  
半秋家書及祠命  
何日解吾憂

望大孤山

湖口羅家渡中流  
見大孤山世俗以孤為姑  
以澎浪

為彭郎遂有小姑嫁彭郎之語東坡戲見於詩番易  
有童子渡渡頭有小山如冢世傳為九女冢見於圖  
經其事甚怪蓋亦世俗流傳之訛遂以二渡所見戲  
成一詩

番易古渡留遺冢湖口烟鬟露淡粧九女何由從童子  
兩姑那肯嫁彭郎

題湖口驛

蘆花洲渚江人邦我來把酒臨西牕五祖六祖山照眼

清流濁流水同江孤山大小各巔絕鍾石上下相舂撞  
千帆出沒烟雨裏何如鷗鷺飛雙雙

至江州

遙與齊侯會江人故國存夷吾嗟不見北望是中原

和叔竒見寄

荔子黃甘豈不香

二物蔓州所出

路經九折歎王陽羨君松竹

吟哦處橘在懷中母在堂

讀趙果州詩

名不拙時為江州添倅

眉宇曾襟兩不塵唾成珠玉更清新惜哉不使蘇仙見  
題品寧先趙德麟

讀王文正遺事

太平宰相王文正盛德真宜有子孫舊國今餘幾喬木  
三槐陰滿宋乾坤

題庾樓呈唐守立夫

遙望香爐氣欲烟坐觀湓浦浪春天山川滿目古今迹  
雲水千帆名利舡萬點白鷗家浩渺一聲赤壁醉嬋娟



唐命效歌  
赤壁詞

詩篇細讀張耘叟倚遍闌干思黯然

### 宿太平興國宮

此來端不為行春

未至宮七里有地名行春亭

欲向廬山訪隱淪聖

主如容食祠祿願為主管太平人

九天使者號真王聖治峰前古道場五百年間聖君出

太平治効過明皇

自開元至今蓋五百年

### 宿東林贈然老

儒服方袍兩禿翁兩家元是一家風歸田我欲效元亮

結社師真如遠公雁蕩此生看未足虎溪一笑偶然同  
清風明月處處共寧間江西與浙東

白公草堂

廬阜雙林寺爐峰幾瓣香日烘烟嫋紫敬為白公堂

蓮社

淵明修靜不談禪孔老門中各自賢送別虎溪三笑後  
白蓮流水兩淒然

題東林聰明泉

遠公白蓮社旁有聰明泉飲此誰聰明社中十八賢堯  
舜不曾飲聰明本諸天我輩雖飲之聰明不加前為愛  
此水清一酌滌塵緣却恐愚此水愚名自今傳

游圓通

夾徑森森鬱老松烟霞深處忽聞鐘虎溪水隔侯溪水  
馬耳峰聯石耳峰遺像人猶思後主

李後主功德院有祠堂

開山

僧不畏先鋒

僧言曹先鋒翰下江州至圓通寺僧趺坐不懼

明朝杖屨山南去

噴沫飛流看玉龍

贈訥老

路入侯溪無故侯  
梵王祠宇占清幽  
語言文字真吾病  
喜共維摩大士游

題至樂亭

雙閣壯緇林  
一亭餘古屋  
庭垂祖師栢  
風動禪房竹  
山禽語晝寂  
岩花吐秋馥  
此樂本來無  
行人慕幽獨

石散山形在

舊有假山石已散  
失有三巨石猶存

池乾水意存  
游心山水

外至樂不容言

勝書記蜀僧也和予游圓通一詩用贈訥老韻

酬

未向夔門訪武侯禪房杖屨謾通幽題詩况有詩僧和  
深喜廬山得勝游

次韻唐立夫以日者命狀見寄

天下名山欲徧看未能高卧愧陳搏山人誤說潛夫命  
只慕冥鴻不慕官

唐詩云試把流年子細看休將蠖屈  
比鵬搏渠家大有回天力不為區區

作好官

趙果州致羊酒走筆戲調

十日廬山游，疏腸作雷鳴。對食有長缺，論文無麴生。清  
淨似齋戒，遲留欲修行。翩翩佳公子，憐我厭藜羹。魚酒  
致遠意，詩篇慰西征。薑新微帶糟，鮓美香流罌。今宵羊  
踏園，菟夢定。須驚回首白蓮社，姑作陶淵明。

題訥菴

圓通訥老以訥名，菴題是菴者。多用禪語，予以儒說  
證之。

休論摩詰與文殊試把菴名扣大儒君子於言端欲訥  
賢人終日只如愚樂山自昔稱仁者利口由來惡嗇夫  
聽法雙峰空聳耳老禪惟要一言無

石耳馬耳圖  
通二高峯也

### 題康王觀

趣在烟霞世味輕天將廬阜尉西征且須細看康王谷  
未用遙尋白帝城星子地分天上宿谷簾泉占酒中名  
凌雲仙客知多少肯向風波世路行

有凌雲峰

### 湯泉

占得乾坤造化爐地中沸出巧工夫泉猶自作炎涼態  
休說衆生垢有無

宿歸宗寺

好山無數不知名路入禪林氣更清岩石有時開鏡面

石鏡溪流入夜作鸞聲

鸞溪

臨池墨客餘風韻

寺本王右軍宅有墨池存

拭眼高僧避寵榮安得清風生兩腋紫霄峰頂望寰瀛

簡寂觀

陸修靜道場

縈迤草徑少人行忽有黃冠洞口迎自笑荒蕪陶靜節



更尋簡寂陸先生朝真惟有壇前石流水猶餘絃上聲

欲聽金雞上金闕紫霄峰際白雲橫

陸先生善鼓琴觀有朝真石金雞紫

霄皆

山名

游開先寺觀香爐瀑布諸峰讀李蘇二仙詩知

廬阜之勝在是記以十韻

廬山何處好勝地有開先瀑布漱寒玉

漱玉亭

香爐生紫

烟香爐紫霄長近日

紫霄峰

黃石不知年

黃石岩

雁蕩靈湫

合有兩瀑布鄴城寶劍連

雙劍峰

龜行似朝斗

行龜峰

鶴唳欲沖

天峰鳴鶴

馬尾只自洗

泉馬尾

牛頭奚用穿

牛頭

雄詞惟太

白妙句更蘇仙寺占星流處

星子

橋飛月出邊碑方閱

華藏

山谷作開先華藏院記

夢已到栖賢明日游三峽歸心定決

然

予易任夔子方力丐祠聞三峽之名愈起歸心

### 游萬杉院

誰栽沙苑千株柳爭侶廬山萬本杉如欲歲寒長不改

更栽松栢滿幽岩

廬山三百六十所長有神光照萬杉借問山中有何寶

仁宗飛白字非凡

一水遙分瀑布餘萬杉深處散明珠不知散却珠多少

能買人間富貴無

亭散珠

飛橋

讀東坡漱玉亭詩至月出飛橋東句想像佳境有跳  
入清冷中之興予至開先新橋適成因書一絕

蘇仙詩裏見飛橋欲看虹霓踏玉腰我到山中虹始見  
揚輝有月印青霄

三峽橋

三峽橋邊杖屨游，此身疑已到夔州。  
題詩欲比真三峽，深媿詞源不倒流。

灩澦瞿塘在眼前，便應從此上青天。  
秋風脫葉隨流下，疑是十帆出峽舡。

五老峰

投老山林興已濃，廬山欣與老人逢。  
定湏容我來同老，五老峰邊更有峰。

玉淵

誰決銀河落半天飛流濺沫五峰前  
山中草木皆光潤  
知有含輝玉在淵

宿栖賢

瀑水聲中夜不眠星河影動半秋天  
誰云灑澗瞿唐遠  
只在洋瀾左蠡邊  
師子吼成方外法  
石人叅得定

中禪石人峰住山五老知今古  
借問曾栖幾箇賢

游楞伽

涉水穿雲一徑迂朱砂峰下訪僧居鳥鳴蟬噪更幽處

中有人藏萬卷書

李公擇藏書之所

老僧元不服朱砂境靜心灰壽自遐廬阜招提三百所

只餘折桂與楞伽

有僧年八十一言廬山諸刹惟楞伽折桂不遭焚毀

藏書閣在已無書山色依然滿舊居留得婦人三墨竹

金鍾聲裏尚扶踈

鍾樓有李夫人墨竹公擇女兄山谷母也

游南山入康谷以不觀谷簾泉為恨南康李守

致上尊乃此泉名也戲成一絕

不飲谷簾山下水徒觀瀑布下長川使君破我游山恨  
酒寄人間第一泉

石鏡溪

山中有鏡石為臺雲霧深巖未肯開別有一溪清侶鏡  
不須人為拂塵埃

廬山紀游四十韻

我性好山水思向廬山廬五老招我游有約芝山初茲  
行適所願孰曰非天與入眼庾公樓興已先籃輿雲開

聖治峰石扣仙人居

太平興國宮有聖治峰劉仙石

香爐望烟靄淨社

觀芙蓉虎溪聊自笑天池步宜紆

天池最高不及游

半月圓通

留幽亭樂有餘

寺有至樂亭

趣如六一翁境侶山環滁侯溪

煮月泉石耳供岩蔬

峰以生石耳得名

破戒戲魚酒踏園夢羊

猪賢闕得家音

二兒時在太學一日得兩書

天恩拜新除抗章復辭

免

前辭夔州今辭召對

行色仍躊躇遂作南山游首過荆林虛凌

雲入康谷臨流清可漁欲飲第一水山深足趲趲湯泉

本何來忽從龍口噓鸞溪尋故家

歸宗寺本王右軍宅

墨沼波猶



渚石鏡不可見懸崖照誰梳尋真到簡寂入觀驚丘墟

緬懷黃與陸何處飄霞裾

簡寂觀乃陸修靜道場有黃石公岩觀今荒廢

眼明

見飛瀑澗壑鳴瓊琚何落句思李練飛詩陋儒新橋跨

虹霓出月明蟾蜍兩州勞五馬同日傳雙魚

至開先得唐江州李

南康書神光照萬杉飛白留天書遙瞻星子城青山點春

鉏我行未及西三峽知何如登橋閱天險奮地轟雷車

壯哉五丁力鑿此千尺渠羣峰列耆老深淵蓄璫璣

五老

諸峰及三峽玉淵並在栖賢

古刹依朱砂穿林駭猿狙

楞伽在朱砂峰下自栖賢

寺路穿荆棘而行萬卷已空閣三竹猶扶踈肩興足繭卒傳詩

手疲脊佳境尚無窮雅興良已攄身隨禽往還興逐雲  
卷舒重尋訥菴老細論無言予節物變炎涼遲留費居  
諸在路何悠悠歸夢頻遂遂秋風雁還蕩緘封寄鄉閭  
歸宗樅老言廬山有對云簡寂觀中甜苦笋歸  
宗寺裏淡鹹齏予因以湯泉石鏡戲成一絕  
叅禪得味鹹齏淡學道忘憂苦笋甜石鏡與時為顯晦  
湯泉涉世有涼炎

開先僧贈石菖蒲

結根拳石伴孤僧對我還  
同道眼青莫遣塵埃侵九節  
會須重作玉衡星

別廬山

山北山南已徧游又移行李向西州  
身如孟子論行止心愧淵明任去留  
峰頂今宵應好月人間明日是中秋  
天池一塔遙相送深喜浮雲為我收

題天華院

游徧廬山寺茲山亦自佳數宵緣石耳一飯為天華

中秋宿瀼溪驛

瑞昌縣

半月游廬阜中秋宿瀼溪祠尋元子隱

元次山舊隱

樹認赤

烏栖

吳赤烏所見之地

坐待雲開月行愁雨作泥番人應話我

身在九江西

浪士舊游處旅人今兩宵赤烏曾紀瑞銀杏敢興妖

驛故

簿斤有銀杏木甚古能為妖伐之遂息

照眼水名瀼回頭山憶堯

禹易有堯山

男兒四方志寧憚蜀天遙

瑞昌李宰贈元次山集

蒼然山色冷然聲次山之文讀可驚令君贈我有深意  
欲以漫浪更吾名我雖有官真漫耳誰遣夔門稱刺史  
開卷欣逢子元子尤愛清冷瀼溪水

中秋思鄉用瀼溪韻

今夜中秋月還應滿故溪遙知千里共深羨一枝栖歲  
月飄如夢年時醉侶泥可憐佳節裏兄弟各東西

宿多福院

古刹名多福初來宿上方蜂窠懸敗壁燕壘滿空梁  
蝙蝠沸盈室塵埃堆滿床香燒數炷柏移下小僧房

昨日飯金城觀今日飯石田驛

城縱是金非願得田雖有石尚堪耕欲隨秋雁蕩中去  
却向杜鵑啼處行

瑞昌永興道中作

瑞昌屬江州永興屬興國

蜀道青天手未摩肩輿從此上危坡

過瑞昌縣數里有亭子嶺頗高自番

易至山方有嶺永城朝過路方永

永城驛名在兩邑之界

多福夜眠僧不

多岡畔泥深愁欲雨渡頭舟小喜無波

黃岡橋為水所沒以小舟渡

青山滿眼森高木正為人稀免斧柯

宿真如寺

在興國水南山名  
瀑泉有御書閣

迢迢脩嶺踏朱紅

朱紅嶺

林壑深藏古梵宮一閣摩雲鏤

宸翰神光長照大江東

白帝孤城在何許遙想西風急砧杵我行初至瀑泉山  
御書閣下眠秋雨

至興國軍

舟中作

一宿真如飲滌泉鍾聲催上渡頭船

波名南市

夜來一雨湖

光好擬把窮愁洗富川

近涵州郭遠連天明月清風不計錢欲比西湖及西子  
品題湏喚舊蘇仙

題懷坡閣贈王景文國正

名質

窮途喜見富川波已覺茲行所得多杭潁西湖堪鼎足  
兼懷六一與東坡

眼中十里是烟波天遣江山助子多自是玉堂揮翰手



不應此處久懷坡

贈陶永州

名去  
泰

雲作愁天風怒號遙瞻白帝夢猶勞口吟太白路難蜀  
心慕淵明人遇陶富水已厭家食久  
陶本黃州人  
今居興國 浯溪  
行看石崖高人生五馬何曾貴堪歎相逢各二毛

次韻王景文贈行四絕

聖主龍飛白首郎誤蒙親擢與南牀言多妄發汲長孺  
心不敢邪蘇世長

天涯行客正悲秋，偏向鶻孫愁處愁。

峽中有山名鶻孫愁。

歌聽竹

枝劉刺史詩懷慶朔范饒州

吾道從來自不孤，果蒙好語慰榛蕪。  
孜孜相勉惟名節，官職何須校有無。

君年方壯我顏蒼，敢以宗盟論雁行。  
孝子忠臣公論在，送行詩似少陵章。

題謀野堂

典國江山似杭之，西湖謀野堂在州。  
宅富於觀覽，予

赴夔門張使君開燕登堂賦詩

張名采

滿目江山富一堂公餘身在水雲鄉  
遙岑更作有無色西子為誰濃  
淡粧荷有香能清燕寢纓無塵可濯滄浪  
使君坐此謀何事境靜心清百慮忘

聞詩聞禮不赴秋試以七月二十五日離太學

八月二十六日至興國軍喜其來也因作是詩  
不將蝸角與人爭走侍雙親蜀道行免為家書憂子美  
飽聞情話悅淵明一名所得知多少萬事真宜審重輕

更願相隨且歸去田園薄有要同耕

途中遇雨

夜宿佛圖市曉穿山障中泥愁行滑滑雨厭落濛濛晚  
稻短長熟野花深淺紅江西又湖北馬首幾時東

宿大冶縣

隔岸呼舟子湖山日欲曛人家數點火風物一川雲小  
渡漁人占中流縣界分秋深山驛冷蕭瑟夜深聞

東方寺

漢東方朔隱居之所唐僧  
智印師道場山頂白蓮池

大冶迢迢接武昌西征踰月到東方白蓮智印蟠桃翔  
仙佛同歸一道場

宋武帝廟

在大冶  
縣鉄山

規模仍舊晉乾坤遺恨于今失所尊廟食鉄山精爽在  
鑄兵思欲定中原

宿武昌縣

行盡江西路初乘湖北舟荒城歎權皓

孫權及皓  
嘗都于此

賢令

惜韓歐

韓退之父仲昌歐陽公  
魯大父柳皆為武昌令

漫浪無元叟崢嶸有故

洲神仙雪堂客幾度絕江游

游西山寺

好山遺恨恐他年冒雨登臨興浩然避暑離宮閔吳主

本吳王避暑宮

橫舟巨浪壯蘇仙秋聲蕭瑟松風閣岩乳清冷

菩薩泉山半有亭名可易漫郎尤惡曲并圓

山腰有九曲亭

遇雨兩宿縣驛

絕巘笙簫斷鄰州鼓角聞江淮兩岸雨吳楚一天雲有驛聊堪憇無尊亦自欣西山逢老宿往事說三分

吳大帝廟

故安樂宮也樊山卽山形如八字鄂渚亦有八字山

樊山八字形長在漢鼎三分國盡墟安樂故宮猶廟食遺民時薦武昌魚

望黃州

肩輿萬松嶺鼓楫蘆花洲忽見江上山人言是黃州懷人望雪堂讀記思竹樓二豪不復見大江自東流

過樊口

短棹經樊口高人憶漫郎杯湖誰復泛退谷自深蘆鄂

渚風烟接吳宮草樹荒遺音聞八曲大小兩回傍

### 宿華容寺

古刹何年有傳聞正觀初藥痊明主疾鼠福梵王廬帝

賜褒嘉札

以上事見武昌土俗記

神留吉利書

殿柱有倒書吉利二字人相傳以為

天 殘僧三四輩朝莫自鍾魚

朝離華容莫宿孟橋小店甚陋得莫漕子蒙書  
以八百料船見借遂可鼓楫而西矣

曉發華容寺雲開鄂渚天秋深餘晚稻地曠闢官田草



市魚多骨荒村店有烟計臺書報我已具濟川船

至鄂渚泊報恩寺

跋涉經江夏悲涼忽莫秋雨登羅漢閣

寺有五百羅漢閣可以觀覽

醉上庾公樓

諸公會食德司既罷予獨登南樓

風急將吹帽江寒更泛

舟川塗元不隔歸夢到東甌

題一覽亭

在潛臺後山

危亭頂鄂渚欲上初不敢肩輿躡崢嶸眼界驚坎窞青  
山繚江湖烟雨抹濃淡千帆破滄浪萬室昭菡萏大澤

胸可吞秀色手宜攬形勢控上游天險卦侔坎登臨迫  
吹帽秋聲在葭莢銜杯情有欣懷古意多感兩雄孫與  
劉壯志鯨鵬噉赤壁走阿瞞功業炳鈇槩黃鶴去何之  
靈竹色猶慘樓餘庾公興洲遺正平憾北望舊中原激  
裂壯士膽何由登太山一快天下覽

赤壁之說有四在  
鄂之蒲圻者是孫


權遠周瑜與劉備  
併力敗曹公於是

### 莫漕以尊羹薦杯

蕭瑟秋風送雁回夢魂終夜遶簫臺年家知我鄉心切

斫繪美尊薦酒杯

梅溪後集卷十



總校官庶吉士臣侍朝

校對官中書臣金光悌

謄錄監生臣黃廷璧

謄錄監生臣沈恕